

敕修陝西通志

第一函
五十一冊

陝西通志第九卷

山川二 西安府

西安府長安縣

終南山一名南山在縣南五十里東接咸寧西接郿縣界太乙山在縣西

南八十里即終南之異名縣志南山一名終南在縣南七十里連乾

祐縣界宋敏求長安志。乾祐縣今屬鎮安。東西連亘藍田咸寧長安郿盩厔五縣

境府志太乙山在終南山南二十里明一統志。詳見圖考按山水有屢易其名者名稱岐出每易

混淆茲凡山水有別名皆注於本山水本水之下庶一覽可晰後皆倣此

龍首山 在縣北十里賈志規龍首撫未央杜篤論未央宮因龍首制

前殿三輔黃圖蕭何因龍首山營未央宮山長六十餘里頭入於渭尾

達樊川頭高二十丈尾漸下高五六丈土色赤而堅云昔有黑龍

從南山出飲渭水其行道因山成跡山即基闕不假築高出長安

城水經注

山首在長安故城中自漢築長安城及營宮殿咸以堙平

其餘即今宮城之太倉以東是也

括地志

山在長安城北禁苑西偏

胡氏鑑注京城後枕龍首山

唐書地理志

山之餘尾城南皆已堙平坡陀北

出復見於唐大安宮東西橫亘迤邐而去今宮城及內苑後墻舍

元殿臺一帶俱在山上下去平地可六七十丈

長安圖志

長安城南鼎門

西南北附城有土嶺可二三百步隱然如城俗名曰土蛇嶺即此

山之餘土也

雍大記

龍首山西北高處為秦長樂漢未央稍東南六

坡為隋城唐西內其東為唐南內興慶龍池之所其北為唐東內

大明宮含元宣政紫宸蓬萊金鑾諸殿南內東南引瀍水入城為

龍首渠入東苑為龍首池龍首殿皆以是原得名

名山記

隋以長安

城狹小作新都於龍首山遷焉

明一統志○按此叙山有名山為境內之鎮者則以冠首餘則以方

位循次敘之其自北而西而南而東以地勢西北多高東

則多下而水道因之取其與諸水相比附也後皆倣此

故市坡

在京坡西即舊西市市廢其坡號為故市云

府志

高陽原

在縣西南二十里接咸陽界

雍大記

故渠有二流合於高陽

原

水經注

畢原

在縣西南縣圖畢文王墓近鎬也

尚書注

周公葬畢在鎬東南杜

中

史記周本紀

畢終南之道名也

毛詩注

李奇曰畢在岐周之間

裴駰集解汲

郡古文曰畢西去豐三十里

臣瓚注

畢原在長安縣西南二十八里

雍大記據長安志云屬咸寧與咸陽縣界接非矣蓋在宋屬咸寧

今屬長安而今之咸寧固不與咸陽界接也

雍勝畧。按文武陵周公墓今俱在渭北

咸陽境

細柳原

在縣西南三十三里別是一細柳非亞夫屯軍之所

元和志

在舊昆明池南

縣志

少陵原

在縣南四十里東接萬年縣界西入縣界五里

宋鑛求志詳見咸

寧縣萬年縣
今屬咸寧

石鼈谷鼈一作壁在縣南六十里長咸以此分界縣志。詳見咸寧縣

豹林谷 在縣南石鼈谷西种放隱居之地城南記近子午谷雍錄在終

南山麓宋种放隱此山東明峰府志

子午谷 在縣南百里長六百六十里縣圖張儀說趙曰秦一軍塞午

道戰國策長安有子午谷北山是子南山是午則午道秦南道也魏氏

注平帝元始五年王莽通子午道從杜陵直絕南山徑漢中漢書王莽

傳延光四年罷子午道後漢書順帝紀建興六年魏延謂丞相亮曰願假

奇兵五千當子午而北不十日可到長安三國志子北方午南方言

通南北道相當故謂之子午今京城直南山有谷通梁漢道者名

子午谷顏師古注子午谷長安正南山名三秦記子午嶺在府南四十里

至東杜甫村景祐二年置關雍大記按漢高帝紀云元年就國從杜南入蝕中如淳注云蝕入漢中

道川谷名今此谷正當杜南疑子午谷即蝕中也

附考長安記曰長安城西北有武將山即漢辛孟隱處雍大記○武將山不在

縣境今在醴泉縣相去甚遠疑長安記之誤

渭水 在縣北三十里自咸陽界流入又東入咸寧界禹貢錐指渭水自

合豐水又東北與鎬水合又東北逕渭城南沈水注之又東分爲

二水其瀆東北流逕郭淮碑南又東南合一水逕兩石人北又逕

陽侯祠北渭水又東注此水水上有渭橋又東與沈水枝津合又

逕長安城北又東合昆明故渠又東逕霸陵縣水經注○詳見圖考渭城今屬咸陽

霸陵今屬咸寧按凡敘水有大水爲境內之滙者則以冠首而以所入之水附焉其所入之水則不拘大小以入之先後爲次庶源

流可一覽而晰也後皆倣此

豐水豐一作澧在縣西南四十里自鄠縣界流入又北至咸陽入渭縣成

帝時王商穿長安城引內澧水注第中大陂以行船漢書元后傳大興

中劉曜命於水上起鄧明觀尋省鄧水圍以與貧戶

晉書載記

豐水出

豐溪西北流分爲二水一水東北流爲支津一水西北流又北交

水自東入焉又北昆明池水注之又北逕靈臺西又北至石微注

於渭

古水經注

澧水今名賀蘭渠東北流注交水

括地志

鎬在豐水東豐

在鎬水西相去二十五里

三輔決錄注

豐水自鄠縣界來由馬坊村入

咸陽合渭水

宋敏求志

子午谷水源出長安縣秦嶺北得萬陽三川水

西北經子午谷得折腰嶺水又西入豐谷水水出豐谷口北流其

西高觀太平二谷水入焉其東則雪谷龍羸西和白石羅什諸谷

水入焉爲西交河又北則有東交河水入焉

雍勝畧

渭水

即沈水一名高都水一名漕水

在縣南二十里自咸寧縣流入又西北入渭

縣志

沈水自逕下杜城又西北與昆明故池會又北逕秦通六基東又

北逕竭水陂東又北合陂水又北逕長安城西與昆明池水合又

北逕鳳關東又北分爲二水一水東北流一水北逕神明臺東又

北逕漸臺東又北流注渭亦謂是水爲瀹水也又謂之高都水又

沈水枝津上承沈水東北流逕鄧艾祠南又東分爲二水一水東

入逍遙園注藕池一水北流入渭水經注。下杜城今屬咸寧漕水即沈水也

東自萬年界流入亦謂之瀹水寰宇記瀹水在縣南十里東自萬年

縣界流入交水又漕河在咸陽縣南十五里自萬年界來經咸陽

界五里入渭宋敏求志丈八溝在縣西南十五里即漕河岸最深處賈志

皂河自牛頭寺入縣境西北流至丈八溝一分流爲通濟渠一西

北流逕三橋鎮入渭縣冊。按皂河即漕河之訛

交水一作郊河水在縣南三十二里自萬年縣界逕本縣三十里谷

豐水圖經交水一作郊水水經注曰交水又西南流與豐水枝津合

其北又有漢故渠出焉又西至石碣分爲二水一水西流注豐一

水北逕細柳諸原北流入昆明池又坑谷水在縣南二十七里自
萬年縣界流逕本縣五里合交水又梗梓谷水出南山北流合渭
國渠又西北豹林谷水入焉又西北至縣東南三十里入交水其
豹林谷水出南山北流三里有竹谷水自南來會之又北流二里
子午谷水自東來會之自此以下亦謂之子午谷水合入交水又

有龍羸谷水太和谷水皆流合於交水

宋敏求志

鎬水

鎬一作鄠又作瀉一名鎬池

在縣西南

縣圖

長安西南有鎬池

史記孟康注

昆明池

北有鎬陂

徐廣注

廟記曰長安城西有鎬池周匝二十一里

三輔黃圖鎬

水上承鎬池于昆明池北周武王之所都也又北流與滌池水合

又北逕清冷臺西又逕磁石門西北注于渭

水經注

瀉水源出長安

縣西北瀉池今按鎬池水北流入永通渠不復入渭

括地志

鎬池一

元趾在昆明池北始皇毀之

十道志

鎬水或作瀉出縣西北十八

里鎬池圖經云水在縣西四十里自鄜縣界入本縣界十里入清

渠

宋敏求志

鎬池在咸陽縣西南二十五里

長安圖

鎬水在豐東二十五

里源出太乙山西谷中北流迤西得七姑谷水又西得漆谷磻谷

鴻興竹谷桐梓石豔豹林諸谷水過御宿川北香積寺南西合瀾

水為東交河又西入豐水

雍勝畧

水源亦出南山谷中北流經故長

安城西南注昆明池又北為鎬池又北入於灋水自唐堰入昆明

池而灋鎬之流絕今則昆明池亦涸為民田矣

縣志

御宿川

宿一作羞

在縣西南四十里

縣志

武帝元鼎二年置御羞禁圃令丞

漢書百官表

御羞地名在藍田

如淳注

夏遊御宿

漢書元后傳

即今長安城南

御宿川也不在藍田羞宿聲相近故或云御羞或云御宿耳

顏師古傳

武帝開上林東南至御宿

楊雄羽獵賦序

御宿苑在長安城南御宿川中

漢武帝為離宮別館禁禦人不得出入往來遊觀止宿其中故曰

御宿三輔黃圖樊川一名御宿川三秦記樊川御宿皆上林苑地城南御

宿川北岸之西瀟水來會為東交河南岸之西為西交河又西為

豐水又北至定昆池為豐鎬之間又北為鎬入豐處御宿之地盡

矣其形逶迤自東南而西北故杜甫詩曰昆吾御宿自逶迤是也

馬志

聖女泉水即瀧池一名冰池在縣西北二十里縣志瀧池北流浸彼稻田詩經

瀧流貌毛傳豐鎬之間水北流也鄭注長安縣有瀧池水魏書地志瀧池

水出鎬池西而北流入於鎬世傳以為水名水經注瀧池一作浣沱

說文冰池在長安西三輔黃圖冰池在縣西北十五里圖經瀧池一名聖女

泉蓋冰瀧聲相近而訛也舊圖聖女泉出昆明池北平地上周十步

西北流五十步與牧豬泉合宋敏求志按志中凡溝池泉澗之

入於此水者則以所入之序為

布政司井 在城中布政司庫內相傳即昊天觀水是否未詳

咸寧縣志

李德裕在中書喜飲常州惠山泉因置水遞有僧詣德裕曰京師一眼井與惠山泉脉相通李笑其誕曰井在何方曰昊天觀庫後是也李乃以惠山一甕昊天一甕雜以八瓶遣僧辨析僧因啜嘗取惠山與昊天餘八乃同味德裕大奇之因停水遞

芝田錄

劉公井 在城中按察司署內扶溝劉自強蒞官時鑿時旱甚城內

外渠井皆涸既穿味極甘冽因名劉公井

咸寧縣志

咸寧縣

終南山 在縣南五十里

縣圖

終南山東自藍田縣西入縣界石鼈谷

以谷水與長安分界東西四十里

長安志

終南山東接藍田西接長

安延四十里南界鎮安袤二百里又秦嶺在縣南南山峰脊也江

河水由此分南流皆謂江北流皆謂河屬邑界者東西約七十里

陝西通志
縣志。詳見圖考。按三秦記云秦嶺東起商洛西盡汧隴東西八百里則秦嶺即終南也乃今多指商藍之界為秦嶺亦因其地為唐韓愈所經而遂專目之耳

金鑾坡 在縣北郭外縣圖金鑾坡者龍首山之支隴隱起平地而坡

陀靡迤其上有金鑾殿故殿旁之坡亦遂名也坡在蓬萊山正西

微南雍錄京兆元武門外龍首坡上出三稜人呼為三稜坡府志三稜

坡西亘長安又有龍首坡在金鑾坡東縣志

草場坡 在縣南郭外縣志坡在永樂坊即橫岡之第五爻也宋張禮城南記

在朱雀門外乃舊草市有坡府志

臙脂坡 在縣治東南董子祠後即翡翠坡或云與翡翠相接在宣

平坊南縣志

開元坡 在縣東興慶池西為明皇藩邸後廢為坡縣志

龍谷龍一作壁在縣西南五十五里谷口大石如鼉成長以此分界內

有景陽川梅花洞九女潭仙人跡宋呂大防曰隋築都城南直南

山石鼈谷縣志谷口有白圓石其巨如屋類鼈雍大谷有廣惠神祠

其西有百塔城南記

樂遊原即樂遊苑在縣南八里賈志亦龍首杜原之橫岡隨地異名也縣志

塔坡在縣南二十里縣志坡在韋曲西以其地有浮圖故名唐何將

軍山林也杜甫有遊何將軍山林詩長安圖說

勲蔭坡一名牛頭山在縣南二十五里牛頭寺下賈志今牛頭寺之坡也寺

即牛頭山遍照禪師之居又有龍堂坡在牛頭寺西地甚平行中

多植杏謂之杏花坪城南記勲蔭坡在樊川北隈為韋杜故里縣志

杜坡即杜固一名馬塠在縣南即杜固也唐杜正倫執政建言鑿杜

固通水以利人既鑿川流如血今所鑿處崖塹尚存俗曰馬塠崖

或曰鳳凰嘴城南記在神禾原東北縣志

神禾原 在縣南三十里賈志原上有蓮花洞唐鄭駙馬所居杜甫詩

主家陰洞細烟霧指此長安圖說原在御宿川北樊川之原上東西三

十里雍大記原在縣南下臨樊川其原南起竹谷東西北行三十里

入長安為潏水界斷其南為御宿川劇談錄云晉天福六年產禾

一穗重六觔故名縣志

高望堆一名高望原在縣南少陵原北一名高望原縣志憑高望之陽隈清岳

西征賦高望堆在延興門南八里長安圖

鳳棲原 在縣南少陵原北賈志少陵西北三十里皆此原長安志柳宗

元為伯妣志曰葬於萬年之鳳棲原雍大記萬年故城在縣東北漢神爵四年

鳳凰十一集杜陵故名在唐為安化里其東南有鮑陂縣志

少陵原即鴻固原在縣南四十里賈志少陵原即漢鴻固原也寰宇記少陵原

南接終南北至滻水西屈曲六十里入長安縣界長安志鳳棲少陵

其實一本因地異名耳漢總謂之鴻固原

城南記

杜甫取以為號

此迤西為鮑陂其北為鳳棲原迤西北為鴻固原其下有鴻固陂

馬志

宣帝許后葬於此故名少陵

府志

朱坡

在縣南四十里

賈志

在御史莊東華寺

城南記

坡瞰南山之勝少

保杜公池亭在焉

雍大記

在華嚴寺下為丞相朱博故里

縣志

杜原

一名杜陵原一名東原

在縣東南十五里漢宣帝以杜東原上為初陵置

杜陵縣謂之東杜

雍勝畧。杜陵故城在縣東南

杜原在潏水東澹水西即杜伯

國地故名杜原以在秦漢隋唐都城之東又名東原宣帝以為已

陵又名杜陵原

馬志

杜原為終南之麓故南高至樂遊原視秦川猶

云如掌其高可知至秦杜縣處漸卑則原之尾也其西即韋杜二

曲

縣志。杜縣故城在縣東南

白鹿原

在縣東南二十里自藍田縣界至澹水川盡東西十五里

南接終南北至灊川盡南北十里亦謂之灊上又荆谷在縣東南

二十五里

長安志

霸水上地名在長安東三十里

應劭漢書注

霸水歷白

鹿原東霸川之西是謂霸上

水經注

霸上即今所謂霸頭

顏師古注

白鹿

原亦謂之灊上

元和志

灊水所從來高故能中白鹿原為道而行乎

其上文帝嘗欲馳車下霸西峻坂因袁盎諫而止即白鹿原西坡

也

雍錄

原在縣東南澹水東灊水南南接南山自藍田縣西五里入

縣境

雍勝畧

原高逾龍首居民鑿井深數百尺汲引甚艱荆谷神

其西南二壑也原半有湧泉味甘冽釀酒甚美唐以神策軍禁守

謂之神谷日以駱駝運水大明宮醞造御酒又有孝子嶺在原西

北俗呼鷄子嶺又有七里坡在高橋路亦達於白鹿原

縣志亦見藍田縣

郊谷

羊谷

錫谷

俱在縣東南六十里錫谷有路至舊歸安鎮

合義谷路

長安志

郊谷在炭谷東谷口有遇仙橋其上為仰天池又